

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri.

Imm .02 Siulittaasup nalunaarutaa.

Aningaasaqarnermut tunngasut

Imm. 03 Balance-t.

Suliassat nalinginnaasut

Imm. 04 Nunaqarfiup 260-ngortorsiornerata nalliuttorsiuutigineqarnissaanut suleqatigiisitalianik ataatsimeeqateqarneq

Imm. 05 Innuttaasut Nunaqarfimmi aqutsisut siulittaasuannik oqaloqateqartarsinnaanerannik siunnersuut.

Imm. 06 Illoqarfittut / nunaqarfittut ikinnguteqarsinnaanermut tunngatillugu suliap ingerlateqqinneqarnera.

Imm. 07 Puttasuliat nutaat ataatsimik ilaneqarnissaannut aningaasartuuteqarnissamut akuerineqarnissamik siunnersuut.

Paasissutissiissutit

Imm. 08 Ilisimatitsissutit

Imm. 09 Tamalaat.



*Nunaqarfimmi aqutsisut ileqquusumik ataatsimiinnerat.
11. Februar 2015 - Nal:13:00*

Ataatsimiinneq aallartippoq nal: 13:00

Peqataasut:

Atassut

Tønnes Kreutzmann
Albrichtine Lyngé

Siumut

Barnabas Larsen

Nalunaaruteqarlutik peqataannngitsut:

Nalunaaruteqaratikpeqataannngitsut



Imm. 01 Oqaluuserisassat akuersissutigineri

Aalajangiineq

Akuersissutigineqarput



Imm. 02 Siulittaasup nalunaarutai.

Ilanngussaq 1.
Siulittaasup nalunaarutai.

Aalajangiineq

Siulittaasoq oqaasiinnartigut ilisimatitsissuteqarpoq.

- Meeqqat – Inuusuttullu nuannaartinneqarnerat eqqaavaa.



Imm. 03 Balance-t.

Maleruagassatigut tunngavissat.

Karseqarnermut ilanngussaq 1.

Balance-t ulooq 05.02.2015

Karseqarnikkut Qeqqata Kommunia-ta maleruagassaa.

Innersuussut

Innersuussutigineqarpoq ilaasortanit tusaatitut tiguneqassasut.

Aalajangiineq

Tusaatitut tiguneqarput.



Imm. 04. Nunaqarfiup 260-ngortorsiornera nalliuttorsitigineqarnissaanut suleqatigiisitani ataatsimeeqateqarneq.

J.nr: 03.19

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasuat Tønnes Kreutzmann. 29. Januar 2015 nunaqqatigiinnut oqalittarfiup ingerlanneqarnerani isumaqatigiissutigineqarpoq suleqataaniarlutik nalunaarsimasut peqatigalugit Nunaqarfimmi aqutsisut iliuusissanik eqqartueqatigiissasut.

Pissutsit atuuttut:

Nunaqarfimmi aqutsisunut ilaasortap Barnabas Larsen-ip siunnersuuteqarneragut suliaq aallartinnikuuvoq, oqallittarfilli kisiat aqputigalugu suliamik ingerlatsiniarneq kipiluttunarsiffiulermat sukumiinerusumik ingerlasoqarnissaa anguniarlugu ”Oqallittarfik”-mi eqqaaneqarpoq aalajangersimasunik inuttalersuinikkut suliat aallartisapallanniarlugit ingerlasoqassasoq. Kristian Willumsen – Kirsten Petrussen Sofiaaraq O Petrussen allaffigineqarput ataatsimiinnermut ulloq 11.Februar 2015 ingerlanneqartussami peqataajartoqqullugit.

Allaffeqarfiup naliliinera:

Allaffeqarfik isumaqarpoq suliniut pitsaasuusoq siunniunneqarsimasullu piviusunngortinniarneqartariaqartut.

Innersuussut:

Allaffeqarfiup innersuussutigaa aggersarneqarsimasut peqatigalugit suut, qaqugu qanorlu ingerlanniarneqassasut aalajangersaasoqassasoq.

Aalajangerneq

Marts 2015 ataatsimiinnermi pilersaarusiortoqarniortoqareerluni saqqummiisoqarnissaa aalajangiunneqarpoq.

Ataqatigiissaarisussat allakkatigut nalunaarfigineqarumaarput.



Imm. 05. Innuttaasut Nunaqarfimmi aqutsisut siulittaasuannik oqaloqateqartarsinnaanerannik siunnersuut.

J.nr: 91.03

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasuat Tønnes Kreutzmann. Qeqqata Kommuuni-ani Politikkikkut ataatsimiititaliat ataavartut innuttaasunit saaffigineqarsinnaanerannut periarfissiisumik Qeqqata Kommuunia-ta nittartagaani takuneqarsinnaavoq. Periarfissap tamatuma Nunaqarfimmi aqutsisunut atuutsinneqarsinnaanerannik siulittaasoq siunnersuuteqarpoq.

Pissutsit atuuttut:

Ukiuni kingullerni qinikkat kiisalu innuttaasut imminnut ungasilliarortutut nalilerneqartarput. Innuttaasut periarfissinneqarnikuupput nunaqarfimmi aqutsisunut oqaluuserisassanik ilanngusaqarusukkunik ilaasortanut tunniussisinnaasut. Akuttugaluamik Nunaqarfimmi aqutsisut innuttaasunut ataatsimiititsisarput.

Innersuussut:

Allaffeqarfiup innersuussutigaa, ilaasortat oqallisigalugu aalajangiissasut.

Aalajangiineq

Allaffeqarfik peqatigalugu aaqqiineqassaaq.

18.Februar 2015 nunaqarfimmi aqutsisut nunaqqatigiinnut ataatsimiisitsissapput.



Imm.06 Illoqarfittut / nunaqarfittut ikinnguteqarsinnaanermut tunngatillugu suliap ingerlateqqinneqarnera.

J.nr. 00.07.01

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasuat Tønnes Kreutzmann. Pineqartumut tunngatillugu Nunaqarfimmi aqutsisut Kommunalbestyrelse-mut oqaluuserisassanngortitsinerat sioqqullugu nunatsinni Island-ip Konsulianut allagaqaatit akineqarput. Akissutigineqartuni Island-imi illoqarfiit arlallit innersuussutigineqarput sorlerlu ikinngutitaarerusunneqarsinnaanersoq apeqqutigineqarluni.

Pissutsit atuuttut:

Nunaqarfimmi aqutsisut Island-imi ikinngutitaarsinnaanerat qinnutigalugu Kommunalbestyrelse-mut allakkanik ingerlatitsinikuupput. 28. Sept. 2014 Kommunalbestyrelse-p allakkat itigartitsissutigai innersuussutigaluguli Sisimiut Maniitsulluunniit illoqarfittut ikinngutaanik suleqatissarsiortoqarsinnaasoq.

Island-ip Nuummi Generalkonsuuleqarfiani Konsulenti Benedikte Thorsteinsson-ip akissuteqarnerata kingorna pissutsit qanoq innerat ilisimatitsissutigalugu nunaqarfimmi aqutsisut siulittaasuat Tønnes Kreutzmann akissuteqarnikuuvoq.

Allaffeqarfiup naliliinera:

Allaffeqarfik isumaqarpoq illoqarfittut/nunaqarfittut ikinngutigiiinneq pinngikkaluarlugu Island-ip Nuummi Generalkonsuuleqarfiani Konsulenti Benedikte Thorsteinsson-ip suleqatiginnissuseqarnera naapertorlugu suliap ingerlanneqarsinnaasoq.

Innersuussut:

Allaffeqarfiup innersuussutigaa, ilaasortat oqallisigalugu aalajangiissasut.

Aalajangiineq

Suleqatigiinneq toqqammavigalugu suliap ingerlateqqinnissaa aalajangiunneqarpoq.



Imm. 07 Puttasuliat nutaat ataatsimik ilaneqarnissaannut aningaasartuuteqarnissamut akuerineqarnissamik siunnersuut.

J.nr: 24.01.03

Tunuliaqutaq.

Oqaluuserisassanngortitsisoq nunaqarfimmi aqutsisut siulittaasuat Tønnes Kreutzmann. 2014-mi suliffissaqartitsiniarluni iliuusissanut naalakkersuisut aningaasaliinerat atorlugu puttasuliat sisamat ikaartarfissaat ilanngullugu suliarineqarput. Taarsigassatut siunniussat tallimaapput taakku-lu ilaneqarnissaannut aningaasartuuteqarnissamut ilaasortaniit akuerineqarnissamik siulittaasoqarfik siunnersuuteqarpoq.

Pissutsit atuuttut:

Puttasuliat kujallerpaat taarserneqarnissaat Vejformand-ip orniginartinneqarneruvoq taakkua a-serfallannerpaasimammata. Puttasuliat nutaat Sanasoq Esra Rosing-imit suliarineqarnikuupput ikaartarfissaalli suli naammassivinneqanngilaq. Puttasuliat naammassereernikuupput niooqqaaviullu eqqaani uninngatinneqarlutik upernaamut atulernissaasa tungaanut.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisinnaasai ulloq 5.Februar 2015 Konto 1820603501 ima annertutigisunik imaqarpoq: 109.000,- kroner

Allaffeqarfiup naliliinera

Allaffeqarfiup nalilerpaa, puttasunut aqutsinermi inatsit § 53 imm.3 atorlugu puttasunik iluarsartuussisoqarsinnaasoq.

Innersuussut.

Allaffeqarfiup innersuussutigaa Konto 1820603501 atorlugu puttasunik nutarterisoqarsinnaasoq Tassungalu tunngatillugu allaffeqarfik vejformand peqatigalugu atortussanik piniartoqassasoq.

Aalajangerneq

Vejformand suleqateqarluni puttasumik ataatsimik sanasoqarnissaa aalajangiunneqarpoq.



Imm.08 Paasissutissiissutit.

Ilisimatitsissutit.

1. Pituffissuit pillugit pisortaqarfimmiit KNI-miillu tusarniaassut pillugu qisuariaat
2. Kangaamiuni nunaqarfimmi aqutsisut ataatsimiinneranni imaqarniliaq ulloq 14/01/2015.
3. Allaffiup pisortaata qaammat Januar 2015 nalunaarutaa.
4. Pitsaaliuinermi ataqatigiissaarisup Kræft pillugu imaqarniliaa.

Aalajangiineq

Tusaatissatut tiguneqarput.



Imm. 09 Tamalaat.

- Theodora Berthelsen-iugaluap 2001—mi Kommuunimut tunissutai 100.000,- kr paasiniarneqassapput.
- Ilaasortaq “Arnat Peqatigiit” ataatsimiisitsimmata pulaarsimalluni paasissutissiivoq.

Ataatsimiinneq naammasivoq. Nal: 13:45

